

QVÆSTIO MEDICA

QVOD LIBETARIIS DISPUTATIONIBVS

MANE DISCVTIENDA,

IN SCHOLIS MEDICORVM

die Iovis 4. Martij.

M. CLAVDIO GVERIN,

DOCTORE MEDICO, PRÆSIDE.

*An sit insita alicui homini naturaliter vis curandi morbos.*

I.

**N**ATVRAM extra individua quærere vanum: consultiùs multò Philosophus in ipsismet singularibus communem simul & privatam agnoscit. Medicus partam consuetudine indolem ab ingentia, nudam & simplicem, ab eà quæ vi aliquâ cælesti adornata est distinguit: vniversa quæque opera ab his fontibus profluunt: qui in pluribus eiusdem speciei pari modo existit, actionum naturæ fons est primarius: qui verò ex vniuscuiusque peculiari fundo scaturit, alter ab illo est. Cum hi confluunt, quidquid naturalis est moliminis perficitur, secus ne minima quidem opella ab his expectanda. Venit & aliquando in consortium tanti operis consuetudo, non quidem vt parens, sed vt obsterix. Sola, sepositâ natura, vis supernaturalis potest è corporibus elicere actiones modò celeriores, modò valentiores, modò productiores quàm par sit. Potest & aliquando educere quæ alterius generis quàm agentis natura ferat, quod vt scire summè necessarium, sic & dignoscere non multùm operosum, præsertim ei qui probè tenuerit naturam non vercam non esse, sed optimam matrem quæ vt omnes suos eiusdem agnationis nepotes amoribus pares sociaret, inter eos perpetuò voluit esse omnem, ratione potestatum qualitatem: nullam, ratione operationum, disparitatem, vtque se omnibus ex æquo communicavit, sic nec aliquam potuit in vno potiùs quàm in alio effundere proprietatem.

II.

**I**D omne quod intra naturæ pœmeria efficitur facultatis est opus, siue ingentia, siue adventitia: illam promiscuè in animatorum

& in animatorum grege reperies, hanc frequentius in viventibus, rarius in vita destitutis. Concors hæc discordia ab his ex quibus constant dispari conditione manat: tantæ molis est agendi facultatem sibi comparare, ut vix id assequatur iners & otiosa lapidum metallorum & cadaverum forma: actuosâ verò & irrequietâ semper agitatione mota viventium anima perpetuò aliquid novi consequitur, aut saltem consequi apta. nec reluctantem experitur in eo materiam cuius est inquilina, sed ut ex his elementis quæ nunquam in eodem vestigio manent plures portiones in suâ compositione admisit, quàm ea quæ est mixtorum vitæ expertum, non mirum si hæc, torpente illâ, continuò ad novæ cujusdam facultatis productionem allaboret. Longè alia ratio est insitarum à naturâ virium; eæ non accersuntur, sed è fecundo sinu subjecti cui inhaerent depromuntur, non ut peregrinæ ventilantur, sed quasi consociatæ foventur: non ut hospites ad tempus admittuntur, sed quasi vernæ suum in eâ domo in quâ nati sunt perpetuò retinent locum; non paucorum sunt, sed ad omnes eiusdem speciei pertinent: non cuiuslibet partis asseclæ, sed perpetuò nobilioris, in viventibus animæ, in cadaveribus & perfectè mixtis formæ principatum obtinentis.

## III.

**N**IHIL ex his quæ hoc cæli ambitu continentur mancipij sui est. cuncta naturam ut dominam suspiciunt, constanter servatura quidquid præceperit. eius mandatum homini quantumvis amasio & corculo, iudicium, justitia, lex est. Imo quo magis eum beneficiis cumulavit, eo pluribus illi nominibus ad sibi obtemperandum adstrinxit. Hinc ne hilum quidem invitâ minervâ suscipit: sed haud secus ac vilissimus quivis naturæ factus acceptâ prius agendi facultate, quæ si fuerit ex intimis eius penetralibus eruta insita dicetur eritque toti humanæ speciei communis præcipuè cum ad decus aut utilitatem gentis pertineat aut perfectionem aliquam ipsi adesse denotet: ex eodem enim luto finxit omnibus hominibus præcordia Titan, animasque impertiit quæ *τιμωτήν & ἀντιμω* non differant: verum quæ virtutibus pares, sicut lux oculo, *βούλην* semini, statim atque in loculos muliebres inditum est, adveniunt, ut omne genus partium quod suis edendis actionibus necessarium foret, alienæ industriæ fabricandum non committant. & iure quidem, parandi quippe convenientis instrumenti, nemo melius rationem novit eo, qui cupit illud in usum revocare,

## IV.

**V**IM omnem curandi morbos vnius eiusdemque rei terminis coerceri posse quis credat? Ipsa pluribus dispersita, paucis negata, maximè homini: nec mireris, qui nullas, quandiu lucis usurâ

fruitur, cum quoquam gerit inimicitias, facultate morbicida, quæ  
 xpo nō carnis perpetuū ducitur careat, necesse est. & si quem forte hac  
 ornatum reperias, cælitis ipsi concessam puta. nihil tale anima (vt  
 & contrarietatis sic & morbi nescia) ex se profundere valet: cor-  
 pus verò humanum (in finitis propè morbis obnoxium, quia σύμμετρος)  
 in eo auxiliares animæ manus, etiam si vellet, præbere non posset. &  
 sane quæ virtus animæ eversam semel naturalem constitutionem  
 restitueret, distortam partium figuram rescieret, sejuncta & suâ sede  
 dimota reponeret, hiantia conglutinabit: si in eius potestate sitū non  
 sit alterationem configurationem aut vniōē in alio moliri. Olent  
 ista portentum potiùs quàm naturam, à verbis quæ non φύσις, sed  
 θύσις, quamquam aliquando vim habent, pendere curationem: aut è  
 vivis mortalium corporibus fluere salutare & πρὸς ὑγίαν: vt & ad levissi-  
 mum contactum è corpore, non secùs ac è poroso aurantij corti-  
 ce, si digitis leviter comprimis, exilire tenuissimam auram mor-  
 borum expultricem.

## V.

SANATIONIS donum, quod hominibus natura denegavit,  
 consuetudo non tribuit, ars non protulit. Hoc aliquando præ-  
 concepta opinio affinxit, fors insinuavit, turpis assentatio Pyrrho,  
 Aureliano, Vespasiano, Adriano & septimo partu natis concessit:  
 nec id te moveat, modo attendas, facile præjudicatum à vero, for-  
 tuitū à certo subdititium à genuino distingues. sunt illa nullius, aut  
 levioris, aut fictitiæ curationis causæ: hoc quod à naturâ profectum  
 esset si daretur, omnes omninò morbos quantumvis graves aut de-  
 leterios, aut certam horum speciem sublato omni recidivæ metu  
 certò certius persanaret, nullâ habitâ loci, temporis, personarum,  
 aut mercatoris ratione: verùm, ad instar radij continuò promoti, à  
 corpore suo efflueret, in orbem diffunderetur, suam certam acti-  
 vitatis sphæram haberet, quædam etiam per corpora alia penetra-  
 ret: quid plura tantum & tam diuturnum eius fieret effluvium, vt  
 ad spatia amplissima sufficeret explenda, nullo tamen sui aut ani-  
 mæ ex quâ deflueret vel minimo detrimento. quod certe fingere  
 faciliùs est quam invenire.

*Ergo non est insita alicui homini naturaliter vis curandi morbos.*

## DOMINI DOCTORES DISPVTATVRI.

M. Petrus Perreau.

M. Ioannes Armandus de Mauvilain.

M. Claudius Bertinus Dieuuxioie, Bo-  
 tanices Professor.

M. Stephanus Bachot.

M. Ioannes Baptista Moreau,

Professor Regius.

M. Eusebius Renaudot.

M. Ioannes Hatton.

M. Petrus de Beauvains.

M. Franciscus Guenaut,  
 Schola antiquior Magi-  
 ster, Regina Archiater.

Proponebat Lutetiæ LVDOVICVS MORIN Cenomanus.  
 A. R. S. H. M. DC. LXVI.